

Es haben die Abbtte dieses uralten Closters / vor allen andern Ordens-Prälaten/ in Bähern/ bey öffentlichen Versammlungen/den Vortrang. S. was von diesem Closter Aventinus lib. 4. fol. 297. schreibt.

Zhierhaupten / auch ein Benedictiner-Closter/ in Ober-Bähern / an dem fischreichen Fluß Ach/oder Aich/ nicht weit vom Lech/ 3. Meilen von Augspurg/ und so vil auch von Thonawerth/ an einem gar lustigen/und fruchtbarh Ort/ und auff einem erhöchten Hügel/ gelegen/ so Herzog Thasilo umbs Jahr 770. erbaut/ Kaiser Lotharius aber der Erste wider auffgerichtet; und folgendts die von Wittelspach vermehret/ und reichlich begabet haben.

Thonauwerd/ eigentlich Werd/oder Wörth/ eine bekandte Stadt/so vor diesem/ weil Sie noch ein Reichs-Stadt gewesen/ zum Schwäbischen Kreisse ist gerechnet worden. Ligt 6. Meil von Augspurg/ 3. von Nördlingen/ 5. von Weissenburg/ und 3. Meilen oberhalb Neuburg/an der Thonau/ von der man einen Hügel/ biß zu dem H. Creuzes Closter/ so noch in der Stadt/ gelegen/ zu steigen. Es hat da etliche Bächlein; sonderlich den Fluß Wernis/ welcher die Stadt/ und die untere Vorstadt/Riet genandt/ voneinander/ durch eine Bruck/ absondert/ und eine Insel macht/ daher auch der Nam Werd kommet. Hat noch sonst 2. andere Vorstädt. Der Schellenberg ligt der Stadt/ vom Morgen/ zur Rechten / und gleich daran. Daher / wer dieses
Bergs